





新刊痘疹傳心錄卷之五

西吳 朱惠民 著

發熱口訣

初發悠悠身熱氣息和平飲食如昔二便清調寤寐安寧則痘來順候面色青而眇白精神少而倦怠再見便溏喎乳此症斷作虛看二便秘而喘脹煩躁睡卧無寧若還譫語狂言斯候均為內熱故毒甚則身如炎火毒微則肌體清凉邪火上逆嘔



吐毒氣下注瀉澹心熱盛而驚搐胃邪實而顛狂  
邪侮于金啼聲不絕而嘔嘔毒歸於腎腰背痛極  
而惶惶內症固重而外症猶烈毒遏不舒須防失  
血是故熱盛者只宜清涼發散不宜峻用苦寒發  
散則毒得外出而熱自解苦寒則毒反冰伏而出  
愈難故發散之劑輕則如升葛以疎其熱而煩躁  
壯熱者非此何以定其標重則有麻黃以開其壅  
而喘急腹脹者非此何以救其危未萌先瀉有熱  
症莫作虛看無熱症便為虛論止熱瀉以清涼更

兼發散治虛澹以補溫仍用開提是以內虛悞用  
寒涼不惟助伊作瀉實熱如投補劑只恐轉增煩  
劇安靜而能食勿謂便實而可下泄瀉而煩渴莫  
言熱症以投涼氣弱少食者不任其毒神強能食  
者不失其常

熱因

或問曰痘必熱而後發者何與曰天地之育萬物  
雖賴土以生息而土不得陽氣薰蒸於下安能發  
育甲析乎

如痘初出分

開兩瓣也人身一小天地也痘之管



紐在脾脾屬中土若非火蒸透膈則痘毒安能震  
拔於上而發泄腎之臬欝也哉岐伯曰五穀不遇  
熱不結痘疹不熱透不徹痘既見形全視乎熱之  
淺深痘出熱退者痘本必踈痘出而熱不少減者  
痘出必密故患痘者固不可不熱而其熱亦不可  
過甚也

一聞人氏曰痘疹之熱慎不可作熱治大熱當利  
小便小熱當解毒也

一天行痘疹之時凡小兒身熱嘔惡腹脹者宜防

出痘不可以峻藥表下之體審的為內傷或外感  
分症而兼治可也果因痘毒欲出而然者若悞以  
表下之寧免實實虛虛之誚乎○一兒因傷食醫  
以峻藥利之不已致痘伏陷不出余謂元氣下陷  
以小異攻散加升麻川芎蟬蛻治之愈亦有不應  
藥者伏陷喘脹而斃○一兒初熱嘔吐腹脹醫悞  
為內傷以揆積丸利下傷脾痘雖漿足脾虛溏泄  
不能收斂而卒

發熱宜辯



痘疹發熱非止一端有因外感而熱者有因內傷而熱者有因氣血虛而熱者有因毒火行而正熱者然其症雖同而其原則異不可不審也請試言之若頭疼眼痛鼻乾耳聾身體拘急脇痛惡寒惡風人迎脈大於氣口手背熱或手足逆冷咳嗽痰涎鼻塞聲重而發熱者此因外感而熱也○若惡食不食唇紅胸膈飽悶腹膨脹噯氣吞酸泄瀉氣口脈大於人迎手心熱腹中作鳴轉氣便黃穢臭而發熱者此因內傷而熱也○若氣短不續面色

晄白四肢無力腰背酸疼寒熱往來口不知味人事如常午後熱甚脈弱無力忽忽不為運動而發熱者此因氣血虛而熱也○若呵欠悶瞀時發驚悸乍涼乍熱手足時冷面頤頰赤目淚汪汪噴嚏昏睡嘔噦搐搦耳聾俱冷耳後有紅絲赤縷而熱者蓋手少陽三焦之脈上缺盆循耳後此毒行而正熱也○以此四因若見一症便宜詳審不必悉具若外感先宜解散內傷消食和脾若氣血虛而無補養惟其正熱不可妄治待痘一出則熱自微



矣如其熱過極又在微解散之以撤其盛若正熱而誤認外感過投以解散之劑則表之陽氣虛不惟痘不能生長而後且痒塌之患生焉若正熱而誤認內傷過投以消導之劑則裡之陰血虧弱不惟痘不能貫漿而且倒陷之禍立至矣故臨病之際最宜詳明不可造次若認症一差凶咎立見或有稍疑不如靜守為醫者宜慎之而無忽焉

治驗

一或問發熱作渴者何曰皆由毒氣萃於陽明銷

燥津液水火炎則涸也故口渴也宜升麻葛根湯主之  
又以紅花子牛旁子煎湯服之毒得外透其渴自止也

一凡痘瘡非熱不出故治不可盡除其熱若微熱不渴大小便清調此肌表之熱非裏熱也表裏無邪不可妄治若身熱如火瘡勢稠密其毒必盛宜解毒兼利小便以升麻葛根湯加連翹桔梗牛旁木通燈心淡竹葉治之也  
一發熱之初或吐或瀉者皆由毒盛而奔越也不



肉裡紅

可止澁之宜透肌解毒之劑毒得外出則吐瀉  
自止矣若久不止者脾胃弱也治宜五味異攻  
散加川芎升麻蟬蛻之類亦有傷食吐瀉不可  
不辨

一發熱時宜用紅紙捻飽醮麻油點火照週身若  
皮肉裡有鮮紅成片者凶也

一發熱自汗若表受寒邪而汗者乃邪從汗散無  
害不可過投表散之劑若表虛而自汗者當以  
參耆寔表而兼升透之劑也

腹痛

一發熱而腹痛者

方見前腹痛門

一發熱而增寒壯熱者乃風邪在表宜升麻葛根  
湯加防風蟬蛻白芷治之或痘毒留連於腠理  
欲出不出亦能發寒熱也

骨節痛

一發熱身肢骨節俱痛者乃肌表所感六淫之邪

不散故痛也宜羌活湯治之或有痘毒攻發不  
透亦能作痛也經曰諸寒為痛痛在筋骨

一兒發熱時衄血不止余謂諸瘡皆屬心火心主  
血血熱上冲於肺迫血上行而為衄也經曰邪



瀉赤

從衄解無害又曰火鬱則發之以升麻葛根湯加荆芥牛旁子治之痘透衄止愈

一發熱小便黃赤短澁者乃熱毒少透滲入膀胱故溺赤也治宜升麻葛根湯加川芎桔梗木通燈心以發泄其毒而小便清利矣

腹脹狂煩

一小兒熱盛腹脹喘急便秘狂煩痘點不見余視為風寒壅遏腠理堅閉以葛根湯加麻黃桔梗蟬蛻少時汗下如雨邪從汗散痘出豁然喘定神清愈

蚊迹

一小兒發熱遍身見點如蚊咬咸論蚊迹蚤癩刺期而為鬼錄無治法召余視之非正痘也乃熱毒為風寒所遏故見點如蚊迹與傷寒發癩者同以芎蘇散主之得微汗點散而愈又一兒見症如前余治之點退而復出正痘業檀者不可不辯

兩目紅腫

一兒初發熱及見點時兩目倏然紅腫余視謂風熱上攻以芎蘇散加蟬蛻荆防治之愈

驚仆

一兒卒然驚搐而仆不時而甦復又如余視曰



痘症也因客受風寒腠理壅閉致毒滯於心而不得透出以紅綿散治之痘毒一透其症自平從治之愈

一兒初熱如驚風發搐不審出痘以驚藥治之不愈將氣絕之際隱隱痘出召余視謂驚搐者毒自心經而出也蓋心竅一寒則毒氣閉伏况心主一身之血心寒則氣血凝滯痘欲出而不可得今已不及矣不治因感而錄之

一兒初發熱搐搦竄視余謂痘欲出而驚搐也以升麻葛根湯加天麻鈞藤蟬蛻木通枳殼治之痘出症平余謂順症不藥而愈

一兒身熱譫語喘脹搐搦尋視腰背一二點蚊迹謂曰此悶痘症也強以升發藥雖見數點俱紫黑色乃不治之症也

一兒初發熱腰痛如折不能坐立余謂折腰痘也乃腎虛韞毒不透強以荆防散鬱湯發出點如蚤班口鼻出血而逝

一兒身熱便遍身作痒余謂客冒風寒封閉腠理



又痘毒不能即出津液不為作汗而解故痒也  
與傷寒汗不出而身痒者同論治以升麻葛根  
湯加蟬蛻川芎治之痘見而愈

一兒初發熱時惡寒身振振搖余謂氣血俱弱不

能逼邪快出毒凝經絡之中欲出不出邪正交

爭故振振也以升麻葛根湯加人參穿山甲桂

枝防風治之痘出症平又補中益氣湯調理愈

一發熱妄有所見譫語昏睡者此毒邪犯心心為

熱冒其神浮越而然也宜葛根湯導赤散加木

惡寒身振

譫語

牙齦視

通山查蟬蛻主之其痘豁然而人事清爽神彩  
復舊者吉若連綿不止菟兔肝藏菟主血肺藏  
兔主氣菟兔主氣  
也將離安可治也

一兒發熱時而咬牙齦視余謂心經熱甚以升麻

葛根湯合導赤散治之愈○又一兒發熱時咬

牙悶瞖余謂肝經風熱以羌活湯加葛根赤芍

藥治之愈

一兒發熱時而汗大出不止余謂兒原表虛而用

表散之劑則陽氣暴泄衛氣愈弱乃虛其虛也

汗

9



宜實表之劑以用故蒲扇燒灰酒下二錢又補中益氣湯治之愈

一兒發熱痘隱隱不透壯熱譫語喘脹便秘余謂夾食傷寒而發經曰急者先治以葛根湯加麻黃汗之又大柴胡湯利之前症悉平痘齊出又補中益氣湯保元湯調理愈

一兒壯熱發狂謂熱毒壅室痘不能透以升麻葛根湯加麻黃服之一身臭汗痘即隨出其狂自止

新刊痘疹傳心錄卷之六

西吳 朱惠民 著

## 報點口訣

凡痘之初發也發熱可決重輕肖形即占順逆是以痘瘡見點便觀形色稀密榮枯攸分善惡色澤神安點如珠粟神枯色黯瘡出乾焦點報粗肥稀疎可必標舒瑣屑細密也繁密非常帶熱敷瘡陸續出齊雖密盛猶為可治一齊湧出掀紅平塌縱稀



踈未必生長細細白頭如癩瘡乾枯必作內攻形  
啾啾紅點似丹朱焦萎定成憔悴勢粗肥饅頂點  
子不紅終白陷頭尖脚斂苑花紅潤定為祥蚊迹  
蚤班刺日而為鬼錄堆沙擯簇引日而返泉鄉肌  
白嫩則皮薄嬌紅體黃瘦則痘成褐色人黑皮粗  
痘色必然慘黯宜辨肌色不同未可一例而識只  
要尖綻有神不喜嬌紅平塌未熱先敷數點或一  
俗名報痘又名屬痘無何復熱舒瘡吉凶未審先發塊  
而後發瘡塊名風毒而急治先發瘡而後發塊塊

名厲腫以難醫痘始報於太陽頤頰唇肋者多凶  
瘡初生於兩耳舌喉胷背者不吉故曰順不憎多  
逆嫌一點黑疔先見諸瘡誰敢彰形賊痘諸痘未

間有如黃金者若生諸痘不堪貫汁辨認得真急宜挑

剔是以裡症未平吐利便秘煩躁痘雖出而毒猶

在內透肌發散解毒為先便調神靜二便清調身

雖熱而毒已出外補兼升發安表相兼設使內外

症平斯又不須過治矣

一凡雜痘初出形色似乎正痘當辨及之



一有風熱發為瘡疹初見形色亦似乎正痘

痘始

且夫痘之為毒也稟於有生之初藏於腑臟天生一

之臟腑也之內隱顯莫測聲臭不聞隨感而見猶鏡之

取火鏡中之火雖在使無日之晶光相射何能發

也先哲曰痘藏伏處與藥鏡相似火未至也寂然

無聲火既及也赫然震烈矧痘毒之猛烈非可言

喻及其呈見利害妍媸有難悉舉殆非刺舟求劍

者所可語也或有以心中之火比痘亦猶此後也

一凡痘初見點於正而吉部相去二三寸一顆尖

細淡淡莢紅色者必稀而輕也若初見點於正

面凶部二三相並或五六成叢或赤或白頂平

而少神者必密而重也

一經曰病有輕重藥有淺深故痘之初出有輕而

有重也稀者輕而密者重夾痲疹而出者半輕

半重如發熱一日報點者太重二日報點者重

微微發熱三日報點為輕四日身涼報點為尤

輕自報點三四日方齊磊落如珠大小不一等



尖圓緊實顆粒分明淡紅漸加明亮根窠紅活  
頭面稀少心胃無人事安寧飲食如常二便清  
調順也痘初報點雖易粗肥形似饅頭或一熱  
雖齊出而勻朗紅澤雖稠密而陸續出來能食  
便調此險之可治也一熱齊湧出顆粒不分粘  
聚成叢頂若火刺乾紅灰白色不光澤頭面頸  
項胷背舌喉稠密無縫嘔吐噦瀉腹痛腰疼喘  
急腹脹煩躁悶亂失血者此逆之不可治也  
一或問發熱痘便一齊出者或發熱數日而陸續

出者何曰一熱齊出者乃表虛也肺主皮毛脾  
主肌肉脾肺氣虛則腠理不密肌肉不實不能  
約束於外則毒火沖擊而出太驟也譬君失其  
正則寇盜蜂起若熱久而陸續出者乃正氣充  
足肌膚厚肉分堅則毒受制歸附故陸續而漸  
出也譬君正則四夷皆化而為善也故曰表虛  
者易出而難靨表實者難出而易靨也

一凡痘初見點以火照之簇簇於皮中不見不起  
者若非風寒壅遏必氣虛不振風寒宜散之氣



虛宜補益而兼升發為主也

一凡痘疹出不快者症必有日當詳審而調之○  
一素壯寔之人皮膚厚肉腠密毒氣難以發越  
宜勻氣為主經曰氣勻則出快○一素虛弱之  
人先曾瀉利而元氣不足不能拘血運毒而出  
者宜溫補而兼升發為主經曰正氣足而痘自  
生化也○一天時嚴寒運氣又在寒水司天毒  
氣為寒氣鬱遏而不能快出者宜辛熱之劑發  
之經曰毒得熱則行得寒則凝正此謂也○一

炎暑亢極運氣又在君相司天煩渴昏憤此為  
兩火相擊而陰水乾涸經曰少水不能滅盛火  
而陽獨治獨治者不能生長也宜清暑益氣為  
主○一客受風寒封閉腠理而毒無從發越者  
宜清陽發散之劑表之得汗而痘自出也○一  
內傷飲食胃氣不行氣血凝泣而毒不能快出  
者宜濁陰之劑利之○一稟賦腎水不足毒火  
彌熾水不能制反為所勝毒邪留連於裡而不  
快出此為獨陽不生也宜滋水以制陽光



一或問經曰痘出身涼或微熱為上吉熱微而痘出反密熱甚而痘出反疎者何也曰熱微而痘出密者必其兒口燥渴而身熱甚也熱甚而痘出疎者必其兒口不渴唇舌滋潤能食便調身雖大熱而裡氣和平也豈可以熱之輕重論哉

一或問痘必假天行時氣鼓擊而出有出而亦有不出者何也曰夫痘毒中於有生之始畜無形臭及有外邪觸之則忽焉盡發若不感動其邪

縱時行發痘而不出也

治驗

一報點紫色或黑滯而腰背痛不止者不治方見前腰痛門

一凡報點青色如筋頭大不起凸此冷疔凶也肌肉成塊紫黑者凶也紅斑如錦紋者遍身如蛇皮者如疹如痞者逆候也

一痘報點而口中腥臭者乃毒乘肺胃煎熬潰爛內潰之症也故臭也宜清金解毒湯或甘桔湯加連

腰痛

逆候

口臭



翹蟬蛻為藥治之隨應藥者醫之功也若失聲  
喘急噦噎者凶也

一兒痘初出便身作痒爬搔不寧余謂風寒外乘  
滯於皮膚而作痒也搔之者運動以散之也以  
升麻葛根湯服之又用荊芥穗焙熟以紙包之  
運其痒處應手而愈

一兒痘出隱隱不見喘咳寒熱交作以升菝藥不  
應召余視曰時天大寒毒為寒氣所抑腠理封  
閉氣血凝泣而然也當用辛熱之藥佐之治以

桂枝葛根湯得微汗而前症悉平痘豁然透出  
調理愈

一兒痘已見形噦吐不止面色枯稿口唇焦黑余  
謂胃氣脫絕毒伏於內不能盡出三日而死

一兒痘不易出吐瀉不已醫咸謂毒氣上行則吐  
下行則瀉擬升菝之劑使痘盡透吐瀉自止治  
之愈甚召余視之熱微安靜痘勻朗嬌紅曰此  
脾胃氣虛治宜溫補而兼升菝或曰痘未盡出  
而溫補豈不黨邪為禍乎曰醫無定法合宜而



用以透肌散又六君子湯加蟬蛻升麻桂枝陳倉米生薑大棗治之愈○又一兒痘症如前咸以升炭而不固真元致伏陷不治

一兒痘隱隱不出面白神疲微熱殮泄余謂脾胃氣虛不能送毒以小異功散加升麻川芎蟬蛻木通陳倉米服之瀉止痘出又補中益氣湯調理愈

一兒痘出勻朗形綻凸而色淡紅兩腿痛甚呼號不已召余視曰身半已上俱屬陽分身半已下

俱屬陰分腿亦陰屬腎所主也陽虛陰弱則毒乘虛凝滯於腿而作痛耳以活命飲治之二劑痛稍止繼以十全大補湯加附子間服八味地黃丸調理而愈又一兒痘症類前不以早治痛傷元氣色漸淡白而唇白面青四肢厥冷痘變紫黑而六日逝○凡病之始神氣尚存可以藥制之若其始謀不豫真然罔知生氣已去化工難續雖聖人豈能改天命也哉故曰履端於始序則不愆此之謂也



腿痛

一 張氏子五歲痘出隱隱腿痛不息余謂稟賦腎家精氣不足逆也痘不能盡出喘脹狂亂痘變紫黑五日而亡

寒包熱

一 兒七歲痘初報點於上唇右及右太陽身肢稠密正額平塌少神顴頰不現四肢厥冷人事昏憤喘急腹飽便秘余謂風寒壅遏毒火彌熾於內氣血不能運行於經絡故肢冷痘不易透者此寒包熱之症也治宜疏散表邪為主用升麻葛根湯加川芎蟬蛻山查穿山甲等服之又加

瘦毒

味獨聖散桑蛀虫攻之六朝正面俱起七朝空處補出贈痘諸症悉平調理而愈

一 初發熱頸項間紅腫如瘰痘雖標形而瘦作膿痘伏陷而卒○又一兒痘三日耳前紅腫如瘰余謂瘦毒也以葛根湯加荆防牛旁甘桔治之外以圍藥塗之腫退痘起而愈亦有不應藥者毒起痘陷而死

痘毒

一 兒痘初見點驚搐不止余謂心血不足邪回而客之以當歸生地赤芍藥川芎茯苓神遠志酸棗



仁蟬蛻少加石菖蒲治之搐止愈

一兒痘初報點驚搐不止衆曰驚痘多吉或言邪  
漫搐散無害余謂曰驚出於心搐發於脾若發  
之不止乃脾虛也少也未可以為吉不信醫治  
之二八而卒每驗發驚不止者後難收拾也○  
又一兒痘初見點驚搐不止昏憤不甦而逝  
一兒痘出二三日而發驚搐余謂毒不透撤藥於  
心心受邪而不安治以導赤散加蟬蛻黃連紅  
花天麻釣藤石菖蒲治之愈

此發狂

一兒痘出隱隱發狂不已便秘溺澀余謂毒火鬱  
結於陽明以大柴胡湯利下而愈

一凡報點二三日其間碎密如麻子者此夾疹也

方見前夾疹門有皮肉鮮紅成塊者此夾癰也

方見前夾癰門二症有凶當究正痘形色

而斷

一兒痘已半出喘急腹脹煩躁便秘譫語不寧余  
謂毒火彌盛以承氣湯得利行數次諸症悉平  
而愈

煩躁譫語

夾癰



一丙子孟春五日談氏女痘已三日閱歷諸名家皆曰磊落綻凸勿藥有喜舉家大慰居無何乾焦紫黑氣絕而死仍懇諸家往視之則默然無以應舉家哭罷而余至閱視審詳曰此兒身肢雖冷心胃尚溫六脉雖無而衝脉不絕猶有生氣何也其根脚固是無瘰色變而死非痘之故也必其初熱時為年糕歲食所傷不能運化以致氣血凝泣不行靜如死狀用承氣湯以漸灌之利行黑糞二次少間身肢溫熱六脉如原又

用補中益氣湯調理而愈紫黑為紅乾焦為潤諸名家讓三舍而去

一兒痘正出而小便秘余謂膀胱為津液之府氣化則出氣為火食不能傳化故津液不出而溺閉也以導赤散加疏解藥治之而愈

一兒痘出未齊而腹痛噯腐吞酸大便穢臭余謂飲食停滯用保和丸方見傷食門二服愈

一兒痘半出遍身作痛余謂熱毒鬱滯而未盡外出故也以活命飲加蟬蛻一劑而痛愈亦有六

小便秘

傷食

身痛



卷之六  
十一  
淫所感而痛不可不察

一痘正出時而痰喘壯熱煩渴余謂肺胃二經實熱以前胡枳殼赤茯苓大黃甘草煎服而安又食少面白此邪氣去而真氣虛也用補中益氣湯調理愈

一嬰兒痘出細密如瘡色白乾枯余謂毒盛氣血兩虛之候毒不能盡透必內攻腹脹喘急而五日不治果矣

一兒點報粗肥而有紅盤間有細密隱隱咸謂夾

疹痘召余視形色是痘紅點是疹但盤雖紅而

歪斜乃客冒風熱鬱於肌表不散兼食辛物風熱相搏發為水痘夾疹非正疹痘也今內症安寧但表邪未解宜解散之用葛根湯加防風荆芥連翹白芷服之二劑痘成疔疹沒而愈

一兒患痘勻朗粗綻紅澤咸曰順不必治偶余過彼招視形色雖順但左腮腫塊其色青紫熱盛而煩躁不寧余曰先發瘡而後發塊名鬼捻以難瘥急宜服紫金錠救焚散稍遲則毒攻心



必驚搖不治主人以為譴不泄次日果發痰喘  
搖擗窺視而死

一兒痘三日溏泄無度四肢厥冷痘點隱見余審  
其瀉已有旬日乃脾虛之甚也以附子理中湯  
數劑瀉漸減而肢漸溫又以補中益氣湯去歸  
加肉果官桂調理而愈

一兒痘未出齊煩躁壯熱痘色赤咸謂血熱以清  
涼之劑而愈甚余謂曰痘未盡外出而清涼者  
毒乘寒而凝滯治宜升解之以升麻葛根湯加

紫草紅花牛旁桂枝治之愈

一兒痘四日而尚不齊出壯熱煩躁頭疼喘嗽余  
謂外感寒邪腠理閉密宜汗解之以升麻葛根  
湯加麻黃蟬蛻山查治之汗出如浴痘盡生長  
前症悉平愈

一兒痘三日而間有膿泡皆云行漿為吉召余視  
曰痘尚未盡出而便間有膿泡者此未至而至  
謂之太過名而賊痘為逆經曰賊痘若生諸痘  
不堪貫汁或問何名賊痘曰夫痘之成始成終

煩燥喘嗽

賊痘

煩燥

溏泄



合四時順佈之理。初出猶春之生。起蟄猶夏之長。成膿猶秋之收。結痂猶冬之藏。此自然之次序。逆相成功者也。今痘出三四日之間。正春生之候。而便間有膿泡者。此乃春行秋令。金來剋木。是為賊邪。故名之曰賊痘也。內經曰。逆春氣則少陽不長。肝氣內變。火無生氣。而長養之令不行。故痘不堪貫汁也。

一兒痘未齊出。痢下赤白無度。余謂血熱毒盛之痘。薰有素積。以升麻葛根湯加山查麥芽。蟬蛻

葛籬等主之。稍愈而目赤溺數。又犀角地黃湯治之。再補中益氣湯調理愈。

一壬辰仲冬。姚氏子五歲。痘出四日。反焦紫陷伏。煩躁腹飽。憤亂不寧。皆云逆逆者。不必治。余同毛小泉視。謂風寒封閉。腠理壅塞。氣道非表散。不可以四牙散。桑蛀虫。蕪之。升麻葛根湯加酒炒麻黃。以疏肌表。山查麥芽以消宿滯。痘漸生長。然尚少神。以保元湯加芎藭。內托膿成結。痂而愈。



一甲午孟春有族姪三歲痘初報點於山根粗肥咸云點報粗肥稀疎可必為順三朝躁熱狂亂毋痘塌陷頤頰隱隱余謂山根部位屬脾雖粗肥形似饅頭乃毒乘脾腎以人牙散又羌活散鬱湯治之痘齊出稠密陷痘復起以補中益氣湯漿足結疔痕色乾紅少潤唇口裂血腹飽便秘溺赤以滋養清解之劑便通安枕又口齟瘡瘡則以清胃解毒湯加連翹牛旁子治之愈

一壬辰臘月沈氏女六歲泄瀉旬日報痘患痢晝

夜無度痘隱見不振咸用升發藥不効勢在危急余視曰形色淡白少神脈診浮大無根大虛症也非附子理中湯不可日進二劑便積少愈而痘覺紅潤脈漸有根然猶飲食不進用補中益氣湯加桂枝炮薑遂能飲食睡卧得寧漿雖充滿而便完谷痘不易結痂以小異攻散加芍藥朮香又藜苓白朮散調理愈

一兒痘未盡出溏泄肢冷搐搦窳視余謂慢脾候以陳氏異攻散數劑愈



一兒痘未齊出而手足搖動醫謂寒顫以異攻投之而愈顫慄余謂顫慄者似寒而實熱也由筋脉約束不住而莫能任恃風之象也內經曰諸風掉眩皆屬肝木木主風風主動此木氣太過而兼火之化也治宜平肝制火以升麻葛根湯加防風川芎柴胡治之愈

一兒痘出三日夾癍赤色不退壯熱便秘余謂毒滯不能宣發以四順清涼飲利行二次班退痘起又補中益氣湯調理愈

一富兒患痘四朝廷余及同道毛小泉視之稀朗紅潤而神順也順者不藥自安及至七八日漿尚不行冰陷九日而卒余意此等順痘而有變故疑其間必有致毒之由因詢其父乃曰未痘之先嘗製丹砂稀痘等藥服之或是之悞乎余曰有是哉蓋痘毒原於有生之始藏於至陰之下必待天行時氣而與相火兩相提携乃能發之於外今丹砂等藥味甘寒而性沉石入心而安神鎮脉以致君火受制相火無委任權力陽



氣不能生，以血凝，毒伏不化，也不斃而何哉。

一兒十三歲，痘已半出，勻朗，乾紫腹脹，喘急煩躁，便秘。余診六脉沉滑，謂此氣血凝滯之症，必食物所致。明以告我，彼曰：因食粽四五，而熱始以保和丸加酒曲二錢，利行二次，愈。

一兒痘出未齊，而頭面浮腫，余謂風熱上攻，以葛根湯加防風、荆芥、白芷、蟬蛻治之，愈。

一兒痘出，妄言妄見，或狂或愚，或哭或笑，余謂癩

癩症

症由心血不足，而毒火乘之，使邪不守舍，以升麻、葛根湯合寧神湯治之，痘齊出，愈。

一兒痘已齊出，粗肥紅澤，而頂陷，咸謂少起脹，歛升，歛之余視曰：內外症平，不宜服藥，不泛以桑蛀虫并升歛藥，雖行漿而清稀，痒塌復求，余治以大補益之劑，雖愈難為力矣。

一兒痘已盡出，泪流不止，痘不易起，脹余謂肝經氣絕而然也。經曰：木絕則火無生氣，治當調脾益腎以培其根，肝木自生而長養之，令行矣。東



垣曰滋苗者必固其根正此謂也早服補中益氣湯夕服八味地黄丸而愈亦有斯症不同前治不能起脹而卒

一兒痘已齊出勻朗不易長大瘡色少神能食便溏余謂脾氣不足而然也故曰脾胃充足飲食入胃精氣先輸脾歸肺上行春夏之令以滋養周身之榮衛也然后下輸膀胱行秋冬之令傳化糟粕轉味而出也若脾胃虛衰久不能升則真氣下溜是有秋冬而無春夏生長之用陷於

殞殺之氣故痘不易長大而少神也治宜補中益氣而升陽得脾土固則陰升陽降四時之序行矣以補中益氣湯去當歸加桂枝蟬蛻等又保元湯加白朮官桂川芎等治之愈

一兒痘已盡出勻朗綻凸咸曰順余謂皮嫩色嬌乃是痘也必有痒塌之患蓋皮在內約束經脈膚在外分佈腠理凡痘之出皮厚色老為佳若皮嫩色嬌者皮肉已虛不能約制邪毒故痒塌也治當固中益氣為主不從余治後果痒塌泄



瀉而卒

一兒痘四日稀疎紅綻為順余視正額平塌少神煩熱無寧以火燭之隱隱於皮膚以如金散發  
出密如蚕種色乾紫無神乃氣血虛而毒盛逆也六朝痘漸為紫黑喘脹而卒或問痘之變黑者何也內經曰火極而反兼水化又曰火之炎也則紅火之過也則黑黑乃水之色此兼水化之羨也譬炒豈然火微則黃火盛則焦而黑矣  
一兒痘四日勻朗綻凸紅澤而順召余視審其煩

痘疹不寧

腰疼

躁不食夜卧不寧此痘尚未盡出而然也蓋外症之吉凶必審內症之輕重經曰裏症未平痘雖出而毒猶在內治宜升發之以升麻湯治之其痘盡出稠密以補中益氣湯保元湯調理愈  
一慎姓子於乙亥孟夏卒然發熱腰疼甚即見痘稠密其色紫黑咸云毒乘腎經而發不治偶余舟過彼招視痘已四日審兒胃氣強盛色雖紫黑而有神乃謂主人曰其症固逆喜元氣壯寔尚有生意即與四牙散一服又化毒湯送下地



黃丸二服次日痘俱脹腫但色如故以黃連解毒湯加牛旁紫草歸芍地黃治之而愈故治者不可執一而輕棄之余驗此有感而錄也

一兒痘不易出目胞預浮腫而光亮壯熱煩悶余謂曰痘之初發主於心漸傳之於皮膚之上被風寒客閉皮膚不能發越於外毒留肌肉之間脾主肌肉目胞屬脾經曰毒乘於中則熱熾於外故目預腫也宜疏解之以升麻葛根湯加蟬蛻荆芥連翹主之痘透毒解目自開豁至五六

痘盡起脹目應閉而復閉愈

一痘已出齊兩目赤腫色見乾紅大小便秘睡臥不寧余視為血熱毒盛不解而上攻於目以犀角地黃湯加連翹牛旁荆芥治之中病即止而愈

一兒痘四日形色俱白咸曰血虛不附凶也余謂形色雖白尖綻有神種名水白痘順也以補中益氣湯調養始終無紅盤而愈

一兒痘五日形色少神腹脹喘急腸鳴四肢厥冷



或擬內傷者或論陷伏者余視曰內傷者按必痛陷伏者必煩悶令兒便利安寧而虛鳴者乃陰陽二氣不和此傷冷之症也詢其渴飲生冷而兼涼藥內經曰中氣不足則腹滿腸鳴以理中湯加木香陳皮官桂等疏逐冷氣諸症悉平又補中益氣湯調理愈

一兒痘三四日雖齊淡白神疲不易長大皆謂少蕪用升蕪藥并桑蛀虫服之亦不起召余視之見兒安靜便溏曰痘毒俱已外出不長大者及

正氣微弱耳以補中益氣湯加蟬蛻官桂連進二服又保元湯調理愈亦有不泄余治執以升蕪不能行漿痒塌九日而卒

一兒痘已盡出形色無神二便自利四肢厥冷腹脹蕪噦余視謂裏氣虛弱宜用理中湯稍遲則胃氣脫絕連進二服而內氣一煖痘即蕪光壯紅活四肢溫熱又以補中益氣湯加丁桂治之噦止愈

一兒痘四日吐血二三碗痘陷淡白煩躁妄肢



吐血

冷身涼睡卧不寧余審其痘原血熱毒壅未盡出而清涼之其毒乘寒凝泣不能伸越故上逆而吐衄也今毒雖解而氣血虛脫東垣曰血脫益氣以保元湯加黑薑附子芎歸芍藥蟬蛻糯米治之痘復昂峻前症悉平而愈

一兒痘出面半已上稠密灰滯已下俱勻朗綻澤余謂此名雲掩天庭漿不能滿倒靨喘脹而卒一兒痘齊出面半已下稠密灰白面半已上勻朗紅潤余謂此名落花滿地以補中益氣湯破損

落花滿地

雲掩天庭

復腫灌而愈

一兒痘五日左半身稠密紅澤右半身間有數點余謂左屬陽痘發於陽以補中益氣湯調理愈一兒痘四日右半身稠密灰滯平塌左半身間有幾顆余謂右屬陰毒發於陰逆也漿雖行不能收斂九日而逝

左半身空

右半身空

纏腰痘

一兒痘齊出諸處俱勻朗紅潤而腰圍轉稠密灰滯腰痛坐立不能余謂毒乘腎經名纏腰痘不能成漿九日而斃又一兒痘諸處勻朗紅澤而



腰間擗簇如盞許灰滯八朝痒破成坑十一日而平

一兒出中身稠密紅活綻凸頭面四肢全無漿充結疔愈余謂古人曰氣之所至毒亦至焉何中身氣至而頭面四肢氣不至也未詳其理俟高明教之

一兒痘已齊出遍身稠密頭面全無皆云頭面無為吉余謂陽氣不足不能上升於頭面逆也又一兒症似前先師以補中益氣湯加川芎官桂

頭面雖見數點不能起脹而卒

一甲戌有一老者夜半叩言孫兒痘出二三粒五朝而復煩躁發熱睡卧不寧求余往視見點報於左右目胞頂平潤大根紅有神此痘隊中之顧痘一名母痘又名報痘時行發痘之時而有是症也皆兒

感受痘之厲氣先發之於外也故若只二三粒之正痘必尖綻而無前症也以升麻葛根湯二劑果痘復出勻朗紅綻前症悉平愈○一兒未熱先敷痘一點於唇上又一兒未熱先敷痘於



右頰一點右額一點頂平濶大俱五日身熱而復出痘勻朗而順漿足收疔但報痘潰而不斂延綿四七日方愈

一姪女於戊戌孟夏十七日未熱先敷一點痘於承漿頂平濶大余謂曰此報痘又名厲痘皆由感天地之沴氣觸動臟毒故先出太驟也廿一日發熱出痘稀朗紅綻為順但報痘腫連頰下成膿毒化愈

一周姓子三歲戊戌三月十二日痘報於眉心一

松巖眉心

粒皆云一粒為喜十九日漸平塌如圍碁大灰白無神痒破煩熱痘復出勻朗紅澤為順余謂眉心屬命門相火毒先於此地相火受傷諸處雖順恐為獨陰不化也漿行倒靨肢冷喘脹搐搦廿八日而斃。一兒未熱先敷痘於心窩一粒又一兒未熱先敷痘於喉中一粒又一兒未熱先敷一點痘於腰間又一兒未熱先敷一點痘於頭頂俱五六日而復出痘勻朗紅綻惟母痘平塌灰白無神痘漿雖滿倒靨喘脹而逝



一凡痘出未盡其毒氣尚在內甚不可以大寒大熱之劑寒藥則毒凝滯不透熱藥則火邪愈熾治當平和疏透之劑使痘盡出於外交會得其正不可妄治苟為失正當辨虛實寒溫調適中和而已



聖